

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
STRUČNA SLUŽBA OPĆINSKOG NAČELNIKA

Vrijeme:	13 -05- 2022		
Org. jed.	Kl. ozna.	Red. broj	Br. priloga
5A	11	1580/22	

Broj: 02-11-2790/21-AP-5
Datum: 13.05.2022. godine

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
mr. iur. Erna Merdić Smailhodžić

PREDMET: Nacrt odluke o pravima demobilisanih branilaca Grada Zavidovići, dostavlja se

U prilogu akta dostavljam Vam Nacrt odluke o pravima demobilisanih branilaca Grada Zavidovići.


Nacrt odluke o pravima demobilisanih branilaca Grada Zavidovići sa obrazloženjem Gradonačelnika, dostavljam Gradskom vijeću Zavidovići radi uvrštanja u dnevni red sjednice Gradskog vijeća.

S poštovanjem.

Dostavljeno:

1. Naslovu,
2. U spis.

GRADONAČELNIK

doc.dr. Hašim Mujanović






Broj: 02-11-2790/21-AP-4

Datum: 13.05.2022. godine

Na osnovu člana 10., 11., 12. i 38. Zakona o pravima demobiliziranih branilaca i članova njihovih porodica („Službene novine FBiH“, broj: 54/19), člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 10. i 15. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022) i člana 25. Statuta općine Zavidovići („Službeni glasnik općine Zavidovići“, broj 5/2008, 5/a/2008 i 11/2019), Gradsko vijeće Zavidovići na ____ sjednici održanoj _____.2022. godine donosi

O D L U K U
o pravima demobiliziranih branilaca Grada Zavidovići

I – OPĆE ODREDBE

Član 1.
(Predmet Odluke)

Ovom Odlukom utvrđuju se prava, način, uslovi, kriteriji i postupak za ostvarivanje statusnih prava i prava na novčane pomoći, naknade i subvencije demobiliziranim braniocima sa područja Grada Zavidovići propisanih članovima 10., 11., 12., 35., 36. i 37. Zakona o pravima demobiliziranih branilaca i članova njihovih porodica („Službene novine FBiH“, broj: 54/19), koja će se ostvarivati putem nadležnih službi Grada Zavidovići, uz finansiranje i subvencioniranje iz budžeta Grada Zavidovići u skladu sa mogućnostima.

Član 2.
(Značenje termina)

(1) Termini koji se koriste u ovoj Odluci imaju sljedeće značenje:

- a) Demobiliziranim braniocem, u smislu ove Odluke, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (U daljem tekstu Oružane snage), koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, brij: 33/04, 56/05, 70/07, 9/10 i 90/17), kao i lice koje je kao maloljetno dobrovoljno stupilo u Oružane snage u istom periodu.
- b) Članovi porodice demobiliziranog branioca, u smislu ove odluke, su roditelji, bračni partner i djeca koja žive u zajedničkom domaćinstvu sa demobiliziranim braniocem do navršene 25 godine života.

- c) Subvencija, u smislu ove Odluke, je novčana jednokratna podrška ili pomoć iz budžeta Grada Zavidovići korisnicima prava u skladu sa Zakonom o pravima demobiliziranih branilaca i članova njihovih porodica i ovom Odlukom.
 - d) Teška oboljenja, u smislu ove Odluke, su oboljenja kao što je akutna tuberkuloza, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.
 - e) Naknadom za dodijeljeno gradsko građevinsko zemljište smatra se naknada koju plaća pravno i fizičko lice za dodijeljeno gradsko građevinsko zemljište na korištenje radi građenja i koja je utvrđena u rješenju o dodjeli tog zemljišta,
 - f) Naknadom za prirodnu pogodnost smatra se novčani iznos iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta, a koje nisu rezultat ulaganja sredstava vlasnika ili korisnika nekretnina (renta).
 - g) Naknadom za uređenje gradskog građevinskog zemljišta smatra se novčani iznos koji obuhvata stvarne troškove pripremanja i opremanja građevinskog zemljišta kao što je predviđeno prostornim ili urbanističkim planom.
- (2) Pojmovi korišteni u ovoj Odluci podrazumijevaju uključivanje oba roda.

II – PRAVA I KORISNICI PRAVA

Član 3. (Prava)

Lica iz člana 2. stav (1) tačka a) na način i pod uslovima utvrđenim ovom Odlukom, mogu ostvariti pravo na:

- a) Jednokratnu novčanu pomoć za liječenje,
- b) Troškove prevoza za liječenje u drugom kantonu,
- c) Prednost u korištenju usluga zdravstvenih ustanova,
- d) Subvenciju naknade za dodijeljeno građevinsko zemljište,
- e) Subvenciju plaćanja naknade za pogodnost,
- f) Subvenciju plaćanja naknade za uređenje građevinskog zemljišta.

Član 4. (Jednokratna novčana pomoć za liječenje)

(1) Demobilizirani branilac može ostvariti pravo na jednokratnu novčanu pomoć za plaćanje troškova svog liječenja ili liječenja nezaposlenog člana porodice.

(2) Jednokratna novčana pomoć za liječenje može se odobriti, u skladu sa mogućnostima, po zahtjevu demobiliziranog branjoca kao hitna intervencija u slučaju nesreće bez lične odgovornosti kojom je značajno ugroženo zdravlje ili život, na početku procesa dijagnostike i liječenja teških oboljenja, kao subvencioniranje dokazanih troškova liječenja i kao pomoć za kontinuitet liječenja i nabavku lijekova demobiliziranog branjoca ili njegovog člana porodice.

(3) Ovaj vid pomoći ne podrazumijeva naknadu svih potrebnih ili dokazanih troškova liječenja.

(4) Troškovi liječenja u privatnim zdravstvenim ustanovama mogu se subvencionirati ako je isto bilo neophodno zbog hitnosti, prirode i težine bolesti ili se liječenje nije moglo ostvariti na teret Zavoda zdravstvenog osiguranja.

(5) Jednokratna novčana pomoć za liječenje može se ostvariti jednom tokom godine ukoliko za isto liječenje sa istim troškovima liječenja nije podnesen zahtjev ili nije ostvarena

pomoć ili naknada iz budžeta viših nivoa vlasti i drugih izvora finansiranja, osim ako ne postoje okolnosti iz stava (2) ovog člana, hitnost, teška bolest ili su odobrena sredstva iz drugih izvora nedovoljna zbog prirode i težine bolesti, dužine trajanja liječenja i socio-ekonomskog statusa porodice demobiliziranog branioca.

(6) Za ostvarenje prava na jednokratnu novčanu pomoć za liječenje nadležna služba Grada Zavidovići donijet će posebne Kriterije koje svojim aktom odobrava Gradonačelnik.

(7) Demobilizirani branioci kojima je dijagnosticiran PTSP mogu ostvariti i pravo na pomoć za nabavku lijekova za liječenje PTSP-a iz sredstava planiranih za liječenje oboljelih od PTSP-a prema posebno utvrđenim Kriterijima sa predstvincima oboljelih i ljekara.

Član 5.

(Troškovi prevoza za liječenje u drugom kantonu)

(1) Nezaposleni demobilizirani branilac može ostvariti pravo na troškove prevoza radi liječenja u drugom kantonu u visini povratne autobusne karte, o čemu rješenje donosi nadležna služba za oblast branilačko-invalidske zaštite Grada Zavidovići.

(2) Novčana sredstva za finansiranje prava iz stava (1) ovog člana odobravat će se iz budžeta Grada Zavidovići iz sredstava planiranih za vanredne jednokratne novčane pomoći branilačkim populacijama ili iz posebno planiranih sredstava, u skladu sa mogućnostima.

(3) U slučaju realizacije sredstava planiranih za ovu namjenu prije isteka fiskalne godine preostali zahtjevi podnešeni do kraja godine a po realizaciji planiranih sredstava rješavat će se po usvajanju izmjena i dopuna budžeta ili po usvajanju budžeta za narednu fiskalnu godinu.

(4) Troškovi prevoza se odobravaju za onu vrstu liječenja za koju je od nadležne ustanove data saglasnost za liječenje izvan Zeničko-dobojskog kantona u skladu sa Sporazumom o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada („Službene novine Federacije BiH“, br. 41/01, 7/02 i 14/17).

(5) Za ostvarenje prava na troškove prevoza radi liječenja u drugom kantonu nadležna služba za oblast branilačko-invalidske zaštite Grada Zavidovići donijet će posebne Kriterije o proceduri, načinu i uslovima ostvarivanja ovog prava.

Član 6.

(Prednost u korištenju usluga zdravstvenih ustanova)

(1) Demobilizirani branioci imaju prednost pri ostvarivanju zdravstvenih usluga u zdravstvenim ustanovama uključujući sve vrste dijagnostike (CT, MR i ostale laboratorijske pretrage).

(2) Za korištenje ovog prava demobilizirani branilac dokazuje status identifikacijskom karticom Federalnog ministarstva za pitanja boraca i invalida odbrambeno-oslobodilačkog rata ili uvjerenjem o učešću u oružanim snagama Armije RBiH.

(3) JU Dom zdravlja Zavidovići dužna je u roku od 15 dana od dana stupanja na snagu ove Odluke na vidnom mjestu istaći obavijest da lica iz člana 2. stav (1) tačka a) ove Odluke imaju prednost za pružanje usluga.

Član 7.

(Subvencija naknade za dodijeljeno gradsko građevinsko zemljište)

Lica iz člana 2. stav (1) tačka a) ove Odluke kada prvi put rješavaju svoje stambeno pitanje mogu ostvariti pravo na subvencioniranje naknade za dodijeljeno građevinsko zemljište u svrhu izgradnje individualnog stambenog objekta za vlastite potrebe na površinu do 400 m².

Član 8.
(Subvencija naknade za pogodnost)

1) Lica iz člana 2. stav (1) tačka a) ove Odluke mogu ostvariti pravo na subvencioniranje troškova naknade za pogodnosti za izgradnju porodične stambene zgrade za vlastite potrebe netto građevinske površine do 200 m² kada prvi put rješavaju svoje stambeno pitanje.

(2) Odredba stava (1) ovog člana odnosi se i nadogradnju, nadzidivanje, preuređenje krovišta i potkovlja, pretvaranje zajedničkih prostorija i rekonstrukciju kojom se povećava dotadašnja površina do 100 m² netto građevinske površine.

(3) Pravo na subvencioniranje troškova naknade za pogodnosti za izgradnju poslovnog prostora netto građevinske površine do 100 m² može ostvariti samo jednom.

Član 9.
(Subvencija naknade za uređenje gradskog građevinskog zemljišta)

(1) Lica iz člana 2. stav (1) tačka a) ove Odluke kada prvi put rješavaju svoje stambeno pitanje mogu ostvariti pravo na subvencioniranje naknade za uređenje građevinskog zemljišta u svrhu izgradnje individualnog stambenog objekta za vlastite potrebe, površine do 400 m².

(2) Pravo na subvencioniranje troškova naknade za uređenje građevinskog zemljišta za izgradnju poslovnog prostora netto građevinske površine do 100 m² može ostavariti samo u jednom slučaju.

Član 10.
(Korisnici prava)

Korisnici prava iz člana 3. ove Odluke su lica iz člana 2. stav (1) i (2) Zakona o pravima demobiliziranih branilaca i članova njihovih porodica („Službene novine FBiH“, broj: 54/19), odnosno lica iz člana 2. stav (1) tačka a) ove odluke koja ispunjavaju uslove i po postupku propisanim ovom Odlukom.

III – USLOVI ZA OSTVARIVANJE PRAVA

Član 11.
(Uslovi)

Za ostvarivanje prava iz člana 3. ove Odluke lica iz člana 2. stav (1) tačka a) ove Odluke moraju ispunjavati uslove propisane ovom Odlukom i posebnim Kriterijima koji se utvrđuju za ostvarenje prava na jednokratnu novčanu pomoć za liječenje i prava na troškove prevoza za liječenje u drugom kantonu.

Član 12.
(Opći uslovi)

Opći uslovi za ostvarivanje prava iz člana 3. ove Odluke su:

- Da je korisnik prava lice iz člana 2. stav (1) tačka a) ove Odluke,
- Da korisnik prava i članovi njegovog porodičnog domaćinstva stambeno pitanje rješavaju prvi put (za stambene objekte), odnosno da nisu koristili pravo za poslovne objekte,

- c) Da korisnik prava ima prebivališta na području Grada Zavidovići,
- d) Da se nekretnina za koju se koristi pravo nalazi na području Grada Zavidovići,
- e) Da je korisnik prava platio naknadu za dodijeljeno građevnsko zemljište (samo ukoliko je korisniku prava dodijeljeno gradsko građevinsko zemljište),
- f) Da je korisnik prava platio naknadu za pogodnost i naknadu za uređenje gradskog građevinskog zemljišta,
- g) Da korisnik prava ili član njegovog porodičnog domaćinstva nisu prodali, zamijenili ili na drugi način otuđili stambeni ili poslovni objekat.
- h) Da za isto pravo ili po istom osnovu u tekućoj godini nije ostvarena pomoć, subvencija ili naknada iz drugih izvora osim u okolnostima iz člana 4. stav (5) ove Odluke.

IV – FINANSIJSKA SREDSTVA

Član 13. (Finansiranje prava)

(1) Za finansiranje prava iz ove Odluke finansijska sredstva se obezbjeđuju planiranjem u budžetu Grada Zavidovići za svaku budžetsku godinu u skladu sa finansijskim mogućnostima.

(2) Finansiranje prava po podnesenim zahtjevima korisnika prava vršit će se do realizacije predviđenih sredstava za ovu namjenu prema načinu i uslovima utvrđenim ovom Odlukom.

Član 14. (Visina iznosa novčane pomoći i naknade)

(1) Visina jednokratne novčane pomoći za liječenje utvrđuje se po svakom zahtjevu posebno vođenjem vanupravnog postupka po procedurama na osnovu odredbi člana 4. ove Odluke .

(2) Iznos odobrene pomoći iz stava (1) ovog člana ne može biti viši od 300,00 KM po jednom zahtjevu osim u izuzetnim okolnostima koje se mogu utvrditi posebnim Kriterijima iz člana 4. Stav (6) ove Odluke.

(3) Visina naknade troškova prevoza za liječenje u drugom kantonu utvrđuje se i isplaćuje korisniku prava prema odredbama iz člana 5. ove Odluke.

Član 15. (Visina iznosa subvencioniranja naknada)

(1) Subvencioniranja naknade za pogodnost, naknade za uređenje građevinskog zemljišta i naknade za dodijeljeno gradsko građevinsko zemljište vršit će se na način i u iznosu kako slijedi:

a) Za dodijeljeno gradsko građevinsko zemljište u svrhu izgradnje individualnog stambenog objekta za vlastite potrebe iz člana 7. ove Odluke odobrava se subvencioniranje naknade u visini od:

1) 20% iznosa naknade, za korisnika prava koji je bio pripadnik OS ARBiH od 12 do 24 punih mjeseci u periodu iz člana 2. stav (1) tačka a) ove Odluke.

- 2) 30% iznosa naknade, za korisnika prava koji je bio pripadnik OS ARBiH od najmanje započetog 25-og mjeseca u službi do 36 punih mjeseci u periodu iz člana 2. stav (1) tačka a) ove Odluke.
 - 3) 50% iznosa naknade, za korisnika prava koji je bio pripadnik OS ARBiH više od 36 mjeseci periodu iz člana 2. stav (1) tačka a) ove Odluke.
- b) Subvencioniranja naknade za pogodnost i naknade za uređenje građevinskog zemljišta za namjenu iz člana 8. i člana 9. ove Odluke odobrava se u visini od:
- 1) 30% iznosa naknade, za korisnika prava koji je bio pripadnik OS ARBiH od 12 do 24 unih mjeseci u periodu iz člana 2. stav (1) tačka a) ove Odluke.
 - 2) 50% iznosa naknade, za korisnika prava koji je bio pripadnik OS ARBiH od najmanje započetog 25-og mjeseca u službi do 36 punih mjeseci u periodu iz člana 2. stav (1) tačka a) ove Odluke.
 - 3) 70% iznosa naknade za korisnika prava koji je bio pripadnik OS ARBiH više od 36 mjeseci periodu iz člana 2. stav (1) tačka a) ove Odluke.
- (2) Mjesec dana, u smislu ovog člana je period od 30 dana.

Član 16. (Prednost i finansiranje)

(1) Prednost kod korištenja subvencioniranja naknada iz člana 15. ove Odluke, Programom realizacije sredstava budžeta dat će se subvencioniranju ostvarivanja prava individualnog stambenog zbrinjavanja u odnosu na subvencioniranje naknada za poslovne prostore u omjeru 70% : 30%.

(2) U slučaju realizacije sredstava planiranih za ovu namjenu prije isteka fiskalne godine preostali zahtjevi podnešeni do kraja godine a po realizaciji planiranih srdstava rješavat će se po usvajanju izmjena i dopuna budžeta ili po usvajanju budžeta za narednu fiskalnu godinu.

Član 17. (Evidencija o ostvarenom pravu)

Služba za upravu društvenih djelatnosti, pitanja boraca i opću upravu vodi evidenciju o pravima ostvarenim na osnovu ove Odluke i istu uvrštava u izvještaj o radu službe za prethodnu godinu.

V - POSTUPAK OSTVARIVANJA PRAVA NA POMOĆ I SUBVENCIONIRANJA NAKNADA

Član 18. (Podnošenje zahtjeva)

(1) Zahtjev za ostvarivanje prava iz člana 3. ove Odluke podnosi se Službi za upravu društvenih djelatnosti, pitanja boraca i opću upravu na posebnom obrazcu.

(2) Obrazac zahtjeva za ostvarivanje prava na jednokratnu novčanu pomoć za liječenje će se utvrditi kao aneks posebnih Kriterija iz člana 4. Stav (6) ove Odluke. Istim Kriterijima će se utvrditi potrebna dokumentacija za podnošenje zahtjeva, uslovi i način ostvarivanja prava.

(3) Obrazac zahtjeva za ostvarivanje prava na troškove prevoza za liječenje u drugom kantonu će se utvrditi kao aneks posebnih Kriterija iz člana 4. Stav (6) ove Odluke. Istim Kriterijima će se utvrditi potrebna dokumentacija za podnošenje zahtjeva, uslovi i način ostvarivanja prava.

(4) Obrazac zahtjeva za ostvarivanje prava iz člana 3. Stav (1) tačke d), e) i f) ove Odluke utvrđuje se kao aneks „A“ ove Odluke. Uz ovaj zahtjev korisnik prava prilaže originale ili ovjerene fotokopije:

- a) Uvjerenje o pripadnosti Oružanim snagama,
- b) Uvjerenje o prebivalištu (obrazac PBA-3),
- c) Uvjerenje o prebivalištu na dan 30.04.1991. godine,
- d) Izjava o članovima zajedničkog domaćinstva (kućna lista),
- e) Zemljišnoknjižni izvadak Općinskog suda u Zavidovićima ne stariji od 30 dana za korisnika prava i članove domaćinstva, a za katastarske općine za koje nije uspostavljena zemljišnoknjižna evidencija prilaže se prepis posjedovnog lista,
- f) Zemljišnoknjižni izvadak iz općine prebivališta na dan 30.04.1991. godine ne stariji od 30 dana za korisnika prava i članove domaćinstva, a za općine za koje nije uspostavljena zemljišnoknjižna evidencija prilaže se prepis posjedovnog lista, ukoliko je korisnik prava imao na dan 31.04.1991. godine prebivalište izvan Grada Zavidovići,
- g) Ovjerena kopija uplatnice naknade za dodijeljeno građevnsko zemljište (samo ukoliko je korisniku prava dodijeljeno gradsko građevinsko zemljište),
- h) Ovjerena kopija uplatnice naknade za prirodnih pogodnost,
- i) Ovjerena kopija uplatnice naknade za uređenje gradskog građevinskog zemljišta,
- j) Ovjerena izjava podnosioca zahtjeva da on, kao i njegovi članovi porodičnog domaćinstva prvi put rješavaju stambeno pitanje (za stambene objekte), odnosno da nisu koristili pravo za poslovne objekte.
- k) Ovjerena izjava podnosioca zahtjeva da nije, kao ni njegovi članovi porodičnog domaćinstva da nisu prodali, zamijenili ili na drugi način otuđili stambeni ili poslovni objekat.

Član 19. (Postupak rješavanja po zahtjevu)

(1) Po zahtjevu za jednokratnu novčanu pomoć za liječenje donosi se Zaključak od odobravanju pomoći najdalje u roku 30 dana od dana podnošenje zahtjeva ili obavještenje o nemogućnosti odobravanja pomoći sa obrazloženjem razloga.

(2) Po zahtjevu za naknadu troškova prevoza za liječenje u drugom kantonu donosi se rješenje u roku 30 dana od dana podnošenja zahtjeva.

(3) Po zahtjevu za ostvarivanje prava iz člana 3. Stav (1) tačke d), e) i f) ove Odluke donosi se rješenje u roku 30 dana od dana podnošenja zahtjeva koje sadrži:

- a) Ime, prezime i ime jednog roditelja korisnika prava,
- b) Vrstu subvencije,
- c) Iznos subvencije,
- d) Rok za isplatu subvencije.

(4) Zahtjevi za subvencioniranje se rješavaju hronološki prema datumu podnošenja zahtjeva.

(5) Odobravanje subvencija vrši se u skladu sa planiranim sredstvima u budžetu Grada Zavidovići za ovu namjenu.

(6) Ukoliko lice iz člana 2. stav (1) tačka a) ove Odluke ispunjava opće i posebne uslove za dodjelu subvencije, istom subvencija neće biti odobrena ukoliko su sredstva planiranim u budžetu Grada Zavidovići za ovu namjenu utrošena u kalendarskoj godini u kojoj

je zahtjev podnesen. Sa istim zahtjevom moći će se obratiti u narednoj fiskalnoj godini za rješavanje kao prioritet uz prilaganje rješenja o odbijaju iz prethodne godine.

(7) Protiv prvostepenog rješenja podnositelj zahtjeva može izjaviti žalbu u roku od 15 dana od dana prijema rješenja Drugostepenoj komisiji za rješavanje po žalbama izjavljenim protiv prvostepenih rješenja i drugih prvostepenih akata Gradonačelnika.

(8) Postupak ostvarivanja prava prema ovoj Odluci provodi se u skladu sa odredbama Zakona o upravnom postupku („Službene novine FBiH“, broj 2/98 i 45/99).

VI – ZAVRŠNE ODREDBE

Član 20.

Subvencioniranje prava iz člana 3. ove Odluke vrši se za naknade plaćene u budžet Grada Zavidovići počev od 01.01.2022. godine.

Član 21. (Stupanje na snagu)

Ova Odluka stupa na snagu prvog narednog dana od dana objavlјivanja u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

mr.iur. Erna Merdić Smailhodžić

O B R A Z L O Ž E N J E

USTAVNOPRAVNI I ZAKONSKI OSNOV ZA UVODENJE ODLUKE

Zakonom o pravima demobiliziranih branilaca i članova njihovih porodica („Službene novine FBiH“, broj: 54/19) propisano je:

- a) u članu 10. „(1) Demobilizirani branilac može ostvariti pravo na jednokratnu novčanu pomoć za plaćanje troškova liječenja.
(2) Sredstva za ostvarivanje prava iz stava (1) ovog člana obezbijedit će se u budžetu Federacije Bosne i Hercegovine (u dalnjem tekstu: Budžet Federacije), budžetima kantona gradova i općina, u skladu sa mogućnostima.
(3) Propise o realizaciji prava na jednokratnu novčanu pomoć za liječenje donijet će federalni ministar za pitanja boraca i invalida odbrambeno-oslobodilačkog rata (u daljem tekstu: federalni ministar), i nadležni organi kantona, gradova i općina, u roku od 30 dana od dana stupanja na snagu zakona.“
- b) u članu 11. „(1) Lica iz člana 2. ovog zakona imaju prednost pri ostvarivanju zdravstvenih usluga u zdravstvenim ustanovama, uključujući sve vrste dijagnostike (CT, MR i ostale laboratorijske pretrage).
(2) Nadležne ustanove iz oblasti zdravstva dužne su u roku od 30 dana od dana stupanja na snagu ovog zakona na vidnom mjestu istaći obavijest da lica iz člana 2. ovog zakona imaju prednost za pružanje usluga.“
- c) u članu 12. „(1) Nezaposleni demobilizirani branilac može ostvariti pravo na troškove prijevoza radi liječenja u drugom kantonu u visini povratne autobusne karte, o čemu rješenje donosi nadležna općinska služba za boračko-invalidsku zaštitu po mjestu prebivališta demobiliziranog branioca, odnosno Odjeljenje za branilačko-invalidsku zaštitu prema mjestu prebivališta demobiliziranog branioca.
(2) Novčana sredstva za finansiranje prava iz stava (1) ovog člana će se obezbijediti u budžetu općine po mjestu prebivališta demobiliziranog branioca, u skladu sa mogućnostima.
(3) Liječenje u drugom kantonu za lica iz člana 2. provodiće se u skladu sa Sporazumom o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada ("Službene novine Federacije BiH", br. 41/01, 7/02 i 14/17).“
- d) u članu 38. „Općine će svojim propisima urediti uslove, način i postupak za ostvarivanje prava iz čl. 35., 36. i 37. ovog zakona u roku od 60 dana od dana stupanja na snagu ovog zakona.“

U člana 10. Stav (1) tačka 2. i 26. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022) propisano je „Gradsko vijeće u okviru svoje nadležnosti:“

„2. donosi odluke i druge opće akte kojima uređuje pitanja iz samoupravnog djelokruga Grada;“

„26. Donosi pojedinačne i druge akte iz samoupravnog djelokruga Grada u skladu sa zakonom i Statutom.“

RAZLOZI ZA UVODENJE ODLUKE I OBJASNJENJE ODABRANE POLITIKE

Članom 10., 11., 12., 35., 36. i 37. Zakona o pravima demobiliziranih branilaca i članova njihovih porodica propisana su prava demobiliziranih boraca i članova njihovih porodica na :

- a) Jednokratnu novčanu pomoć za liječenje,
- b) Troškove prevoza za liječenje u drugom kantonu,

- c) Prednost u korištenju usluga zdravstvenih ustanova,
- d) Subvenciju naknade za dodijeljeno građevinsko zemljište,
- e) Subvenciju plaćanja naknade za pogodnost,
- f) Subvenciju plaćanja naknade za uređenje građevinskog zemljišta.

Takođe je u članu 38. Zakona o pravima demobiliziranih branilaca i članova njihovih porodica propisano da će općine svojim propisima urediti uslove, način i postupak za ostvarivanje prava iz čl. 35., 36. i 37. ovog navedenog Zakona.

Predložene odredbe ove Odluke imaju svoje uporište i ishodište u Kantonalnim i Federalnim propisima iz oblasti boračko-invalidske zaštite, lokalne samouprave, ZUP-a i kancelarijskog poslovanja, budžetskog poslovanja, građenja, u Odlukama Grada Zavidovići o visini naknada za pravo građenja, iskustvima dosadašnje prakse, procjeni potreba, stavovima pripadnika branilačkih populacija, učešća viših nivoa vlasti u finansiranju pojedinih prava branilačkih populacija, planu i mogućnostima budžeta Grada Zavidovići.

Puna naknada za pogodnost i naknada za uređenje građevinskog zemljišta, prema važećim tarifama, za površinu zemljišta od 100m², po zonama iznosi: I – 4.658,00 KM, II – 4.000,00 KM, III – 3.178,00 KM, IV – 2.356,00 KM, V – 1.589,00 KM, VI – 822,00 KM a demobilizirani branilac sa preko 36 mjeseci učešća u OS ARBiH ostvario bi subvenciju na ove iznose u visini od: I – 3.260,00 KM, II – 2.800,00 KM, III – 2.224,00 KM, IV – 1.649,00 KM, V – 1.112,00 KM, VI – 575.

USKLAĐENOST ODLUKE S KANTONALNIM I FEDERALNIM ZAKONODAVSTVOM

Ova Odluka donesena je u skladu sa članom 10., 11., 12., i 38. Zakona o pravima demobilisanih branilaca i članova njihovih porodica („Službene novine FBiH“, broj: 54/19), u skladu sa članom 35., 36. i 37. Zakona o pravima demobilisanih branilaca i članova njihovih porodica („Službene novine FBiH“, broj: 54/19), u skladu sa članom 55. Zakona o prostornom uređenju i građenju („Službene novine ZE-DO kantona“, broj: 1/2014), u skladu sa članom 22., 23. i 26. Odluke o uslovima i načinu dodjele građevinskog gradskog zemljišta u državnom vlasništvu („Službeni glasnik općine Zavidovići“, broj: 6/04), te u skladu sa članom 16. i 17. Zakona o građevinskom zemljištu Federacije Bosne i Hercegovine („Službene novine Federacije BiH“, broj: 67/05).

OBRAZLOŽENJE PRAVNIH RJEŠENJA U ODLUCI

U prvom dijelu, u članu 1. i članu 2. Odluke obrazloženo je šta je predmet Odluke kao i značenje termina koji će se koristiti u istoj.

U drugom dijelu, u članovima 3., 4., 5., 6., 7. i 8. Odluke utvrđena su prava i uslovi pod kojim ih demobilizirani branioci mogu ostvariti a to su subvencija naknade za dodijeljeno građevinsko zemljište, subvencija plaćanja naknada za pogodnost te subvencija plaćanja naknade za uređenje građevinskog zemljišta, te je za svaku pogodnost pojedinačno objašnjeno šta ista podrazumijeva, koju površinu obuhvata, koliko puta lice ima pravo podnijeti zahtjev za svaku od subvencija i sl.

Članom 10. definisani su korisnici prava, a to su demobilizirani branioci i članovi njihovih porodica a pojmovi su pobliže obrazloženi članom 2. Odluke.

U članovima 11. i 12., odnosno u trećem dijelu Odluke, propisani su uslovi za ostvarivanje prava, kako opći tako i posebni kako bi podnosioci zahtjeva za subvencioniranje bili tretirani pod jednakim uvjetima, te kako bi se izbjegle eventualne zloupotrebe prava.

U četvrtom dijelu Odluke utvrđeno je da se finansijska sredstva za ostvarivanje prava obezbjeđuju u budžetu Grada Zavidovići za svaku budžetsku godinu, u skladu sa finansijskim mogućnostima, te je prilikom izrade ove Odluke napravljena određena procjena troškova

naknade kao i iznosa subvencija. Obzirom da su prava i korisnici određeni Zakonom, ali istim nije određen iznos subvencija koje se trebaju odobriti boračkoj populaciji, to je Odlukom predloženo subvencioniranje naknada u određenim procentima u zavisnosti od dužine učešća u OS ARBiH korisnika prava.

Također, članom 16. Odluke utvrđena je prednost, u slučaju nedovoljnih sredstava na nivou godine, subvencioniranju ostvarivanja prava po zahtjevima za potrebe individualnog stanovanja u odnosu na subvencije za poslovne prostore planom raspodjele ukupno namijenjenih sredstava 70%:30% u korist subvencija za individualno stanovanje s obzirom da se u ovom segmentu očekuje više zahtjeva a stambeno zbrinjavanje se smatra prioritetnom potrebom.

U petom dijelu je opisan postupak ostvarivanja prava, podnošenja zahtjeva lica koja ispunjavaju uslove utvrđene članovima 11. i 12. Odluke, te je članom 18. Definisana vrsta i način podnošenja zahtjeva te navedena dokumentacija koju je potrebno priložiti uz zahtjev koji se predaje Službi za upravu društvenih djelatnosti, pitanja boraca i opću upravu Grada Zavidovići.

Članom 19. Odluke propisan je rok za rješavanje, donošenje zaključaka ili rješenja po zahtjevu, postupanje nadležnog organa za odlučivanje, kao i drugostepeni organ kojem stranka koja nije zadovoljna rješenjem, može da podnese žalbu i u kojem roku, u skladu sa Zakonom o upravnom postupku FBiH.

U šestom dijelu Odluke, članovima 20. i 21. propisuju se završne odredbe, odnosno stupanje na snagu ove Odluke.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbu ove Odluke vršit će Služba za upravu društvenih djelatnosti, pitanja boraca i opću upravu Grada Zavidovići, i to Odsjek za pitanja boraca, raseljenih lica i povratnika, u prvom stepenu. U drugom stepenu, po žalbi, odlučivati će Drugostepena komisija za rješavanje po žalbama.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za realizaciju ove Odluke u Budžetu Grada Zavidovići za 2022. godinu planirano je 8.000,00 KM na „tekućem transferu za branilačke populacije, tekovine OOR-a i antifašizam“ iz čega će se odobravati sredstva za ostvarivanje prava na Jednokratnu novčanu pomoć za liječenje i troškove prevoza za liječenje u drugom kantonu.

Na „tekućem tansferu za sufinansiranje troškova boračkim populacijama za obezbjeđenje dokumentacije za građenje“ planirano je 5.000,00 KM čime će se finansirati subvencije iz člana 15. ove Odluke.

S obzirom da u sufinasiranju prava na liječenje učestvuju ZDK i federalno ministarstvo za pitanja boraca i invalida odbrambeno-oslobodilačkog rata procjenjuje se mogućnost planiranja realno potrebnih iznosa u budžetu Grada Zavidovići u narednom periodu posebno imajući u vidu neupitnu društvenu obavezu brige o adekvatnom liječenju branilačkih populacija bez ugrožavanja socijalno-ekonomskog statusa porodica branilaca.

Subvencioniranje naknada iz oblasti građenja (član 15.) neće imati značajnije negativne efekte po budžet Grada s obzirom da se subvencioniranje vrši po izvršenim uplatama koje su prihod budžeta Grada Zavidovići.

Poslije početka primjene ove Odluke u tekućoj godini, moći će se na osnovu podataka o broju opravdanih zahtjeva i podatka o potrebnom iznosu sredstava za njihovu realizaciju, utvrditi realan iznos sredstava u planovima budžeta za naredni period ili vršiti korekcija procenta subvencija izmjenama i dopunama ove Odluke.

OPIS KONSULTACIJA VOĐENIH U PROCESU IZRADE ODLUKE

U procesu izrade ove Odluke vođene su konsultacije između Ministarstva za boračka pitanja ZE-DO kantona, boračkih udruženja Grada Zavidovići, Stručne službe Gradonačelnika, Službe za upravu geodetskih, imovinsko-pravnih poslova i urbanizam i Službe za upravu društvenih djelatnosti, pitanja boraca i opću upravu Grada Zavidovići.

Zbog navedenog predlaže se donošenje ove Odluke.

GRADONAČELNIK

doc.dr. Hašim Mujanović

H. Mujanović

Obradio: 
(Idriz Alihodžić)



Prezime (ime oca) ime

Adresa

Telefon

**GRAD ZAVIDOVIĆI
Služba za upravu društvenih djelatnosti,
pitanja boraca i opću upravu**

PREDMET: Zahtjev za subvencioniranje naknada
za izgradnju stambenog / poslovnog objekta

Podnosim zahtjev za subvencioniranje (zaokružiti subvenciju koja je predmet zahtjeva):

- a) Subvenciju naknade za dodijeljeno građevinsko zemljište za izgradnju stambenog objekta,
- b) Subvenciju plaćanja naknade za pogodnost za izgradnju stambenog objekta,
- c) Subvenciju plaćanja naknade za pogodnost za izgradnju poslovnog objekta,
- d) Subvenciju plaćanja naknade za uređenje građevinskog zemljišta za izgradnju stambenog objekta
- e) Subvenciju plaćanja naknade za uređenje građevinskog zemljišta za izgradnju poslovnog objekta.

Uz zahtjev prilažem (zaokružiti priložene dokumente):

- 1) Uvjerenje o pripadnosti Oružanim snagama,
- 2) Uvjerenje o prebivalištu (obrazac PBA-3),
- 3) Uvjerenje o prebivalištu na dan 30.04.1991. godine,
- 4) Kućna lista,
- 5) Zemljišnoknjižni izvadak Općinskog suda u Zavidovićima ne stariji od 30 dana za korisnika prava i članove domaćinstva, a za katastarske općine za koje nije uspostavljena zemljišnoknjižna evidencija prilaže se prepis posjedovnog lista,
- 6) Zemljišnoknjižni izvadak iz općine prebivališta na dan 30.04.1991. godine ne stariji od 30 dana za korisnika prava i članove domaćinstva, a za općine za koje nije uspostavljena zemljišnoknjižna evidencija prilaže se prepis posjedovnog lista, ukoliko je korisnik prava imao na dan 31.04.1991. godine prebivalište izvan općine Zavidovići,
- 7) Ovjerena kopija uplatnice naknade za dodijeljeno građevinsko zemljište (samo ukoliko je korisniku prava dodijeljeno gradsko građevinsko zemljište),
- 8) Ovjerena kopija uplatnice naknade za prirodnih pogodnost,
- 9) Ovjerena kopija uplatnice naknade za uređenje gatarskog građevinskog zemljišta,
- 10) Ovjerena izjava podnosioca zahtjeva da on, kao i njegovi članovi porodičnog domaćinstva prvi puta rješavaju stambeno pitanje (za stambene objekte), odnosno da nisu koristili pravo za poslovne objekte.
- 11) Ovjerena izjava podnosioca zahtjeva da nije, kao ni njegovi članovi porodičnog domaćinstva prodali, zamijenili ili na drugi način otudili stambeni ili poslovni objekat.

Pored propisane dokumentacije prilažem ostalu dokumentaciju (Ako postoji):

Zavidović, ____ . ____ . 20 ____ . godine

PODNOŠILAC ZAHTJEVA

Broj LK: _____

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za Statut i propise

Broj: 01-11-1580/22-AP-5

Datum: 17.05.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 40. i 44. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 - prečišćeni tekst, 8/14-isp., 9/14, 8/18, 8/19, 4/21 i 4/22), Komisija za Statut i propise na 3. sjednici održanoj dana 17.05.2022. godine, razmatrala je Nacrt Odluke o pravima demobiliziranih branilaca Grada Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Nacrt Odluke o pravima demobiliziranih branilaca Grada Zavidovići, u skladu sa zakonom i drugim propisima.
2. Nacrt Odluke o pravima demobiliziranih branilaca Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog zaključka starat će se Stručna služba Gradskog vijeća.

PREDSJEDNIK KOMISIJE

Arnes Sihanović, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
**Komisija za budžet, finansije i
ekonomska pitanja**
Broj: 01-11-1580/22-AP-3
Datum: 17.05.2022. godine




Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 40. i 45. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za budžet, finansije i ekonomska pitanja na 2. sjednici održanoj dana 17.05.2022. godine, razmatrala je Nacrt Odluke o pravima demobiliziranih branilaca Grada Zavidovići, pa nakon rasprave donijela

Z A K L J U Č A K

1. Komisija za budžet, finansije i ekonomska pitanja prihvata Nacrt Odluke o pravima demobiliziranih branilaca Grada Zavidovići.

2. Nacrt Odluke o pravima demobiliziranih branilaca Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.

3. O realizaciji ovog Zaključka starat će se Stručna služba Gradskog vijeća.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**
Broj: 01-11-1580/22-AP-4
Datum: 17.05.2022. godine


Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 40. i 47. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za društvene djelatnosti, ljudska prava, mlade i ravnopravnost spolova na 1. sjednici održanoj dana 17.05.2022. godine, razmatrala je Nacrt Odluke o pravima demobiliziranih branilaca Grada Zavidovići, pa nakon rasprave donijela

Z A K L J U Č A K

1. Komisija za društvene djelatnosti, ljudska prava, mlade i ravnopravnost spolova prihvata Nacrt Odluke o pravima demobiliziranih branilaca Grada Zavidovići.
2. Nacrt Odluke o pravima demobiliziranih branilaca Grada Zavidovići, dostavlja se predsjedavajućoj radi uvrštanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

ZAMJENIK, PREDSJEDNIK KOMISIJE

Edin Bukvić, nastavnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za pitanja boraca i tekovina

Odbrambeno-oslobodilačkog rata

Broj: 01-11-1580/22-AP-6

Datum: 18.05.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 40. i 52. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19 i 4/21), Komisija za pitanja boraca i tekovina Odbrambeno-oslobodilačkog rata, na 2. sjednici održanoj dana 18.05.2022. godine, razmatrala je Nacrt Odluke o pravima demobiliziranih branilaca Grada Zavidovići, pa nakon rasprave donijela

Z A K L J U Č A K

1. Komisija za pitanja boraca i tekovina Odbrambeno-oslobodilačkog rata prihvata Nacrt Odluke o pravima demobiliziranih branilaca Grada Zavidovići.

2. Komisija za pitanja boraca i tekovina Odbrambeno-oslobodilačkog rata predlaže da se u naslovu Odluke o pravima demobiliziranih branilaca Grada Zavidovići, iza riječi „branilaca“ dodaju riječi „i članova njihovih porodica“, tako da naslov Odluke glasi: „Odluka o pravima demobiliziranih branilaca i članova njihovih porodica Grada Zavidovići“, a što bi bilo u skladu sa Zakonom o pravima demobiliziranih branilaca i članova njihovih porodica („Službene novine FBiH“, broj: 54/19).

3. Nacrt Odluke o pravima demobiliziranih branilaca Grada Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća Zavidovići.

4. O realizaciji ovog zaključka starat će se Stručna služba Gradskog vijeća.

PREDSEDNIK KOMISIJE

Adriš Mahovac

